



Rabu, 25 Agustus 2021
Ogen: Perb. Rasul 9:10-18



Nuruh Aky Ndahi Kam



Dibalik seorang laki-laki yang sukses ada perempuan tangguh yang mendukungnya.' Rulih entah lahang sada-sada pendahin, meriah entah ceda ate gia sekali si man alanken, la sitik kalak sideban i je hadir, subuk si erbahan kita kelsehen bagepe si ngangkatken kita paksa kita ndabuh. Teman-teman e biasana erdahin i 'balik layar' si ndukung kesuksesen ntah keberhasilentah.

Segedang perdalanen kegeluhen Paulus, enterem kalak si muat bagin nampati entah si ndabuhkan ia. Imam-imam si mbelin mereken kuasa man bana guna nggagasi kalak si tek man Jesus paksa e. Seh maka lit si mate martir erkiteken kuasa si lit i bassa. Tapi lit ka paksana ia kote, ngelabuh seh maka perlu man sampaten. E maka i bas renungenta paksa enda nuriken kerna Ananias sekalak si tek man Jesus, ndatken tugas tanggungjawab guna ncidahkan Kuasa Dibata alu mpepalem matana si pentang. Situhuna labo tetap ukur Ananias njumpai Saul erkiteken terberita kal ia i bas perbahanenna si nangkapi kalak si ersembah man Tuhan. Tapi perbahan tek Ananias tetap ukurna ngelakoken perintah Tuhan man bana. Emaka ijumpaina Saul, iturikenna maka Tuhan Jesus si nuruh Ananias ndahi ia. Emaka erpengidah Saul, iperidiken ia. Bageme i bas perdalanen geluh Saul, i bas menaken nggejabken kuasa Jesus man bana, tersurat gelar Ananias.

I bas perdalanen kegeluhen jabunta, entah i bas ingan erdahin, janah i bas kinitekenta. Lit tetap kalak si hadir ndukung kita seh maka ngasup kita ndalani geluhta alu mehuli. Tek dengen gejablah maka tep-tep kalak si hadir i bas geluhta e, persuruhan Dibata kap. Reh ia ndahi kita, isuruh Dibata ia jadi temanta, mpegegehi kita, nampati, ngapuli i bas kerina si nanami kita. La lit si jadi i bas geluhta e tanpa campur tangan Dibata.

Gejabkenlah kehadiran kalak siisuruh Dibata nampati kita